

EDINEN IKPE ABASI

Ñwed Mbon Rome 1: 18-25, 28-32; 2: 1-16

QYQHỌ UKPEP ÑKPỌ 381

Eke Ikpọ Owo

IKỌ IBUOT: “Koro tọñọ ekebot ererimbot owo etim ekut ndibe-ndibe ñkpọ emi enyenede Enye, kpa nsinsi odudu Esie ye idaha Esie nte Abasi; eda mme ñkpọ emi Enye akanamde etim efiọk; man mmọ ekunyene ñkpọ nditiñ nnyaña edem” (Ñwed Mbon Rome 1:20).

I. Owo emi Qduode

- 1 Iyaresit Abasi oto ke heaven ayarare abaña kpukpru ukwañ- ido, Ñwed Mbon Rome 1:18; 2:8, 9; Mme Hebrew 10:27; Eriyarare 14:10.
- 2 Ofuri uduot owo ikpañke utọñ inọ ntiense Abasi, Ñwed Mbon Rome 1:19-21; Psalm 10:4,5; Utom Mme Apostle 14:15-17.
- 3 Ke ndiwut ifiọk, mme owo ekabare edi ndisime ke mbubehe ñkpọ Abasi, Ñwed Mbon Rome 1:22,23; 1Ñwed Corinth 1:18-21, 25-27; James 3:15.
- 4 Abasi ema esin uduot owo emi mikekabakere esit, Ñwed Mbon Rome 1:24,25 28; Mme Ñke 1:24-30; Matthew 23:37,38.
- 5 Owo ekedara ndinam mme ukwañ-ido, Ñwed Mbon Rome 1:29-32; Psalm 36:1-4; Mark 14:10,11.

II. Owo emi Minyeneke Se Etiñde Anyaña Idem

1. Owo inyeneke mfaña eke odotde ke kpukpru idiok-ñkpọ emi owo anamde, Ñwed Mbon Rome 1:20; 2:1; John 15:22.
2. Abasi eyedon ubierikpe onọ owo kiet-kiet nte ekemde ye mme utom esie, Ñwed Mbon Rome 2:2-6; Jeremiah 17:10; Matthew 16:27; 2Ñwed Corinth 5:10.

III. Owo Emi Ekpuphorede

1. Ata uteñe Abasi eyesuño ke nsinsi utip, Ñwed Mbon Rome 2:7,10; Matthew 25: 46; John 2:25.
2. Abasi iteñeke owo enyin, Ñwed Mbon Rome 2:11; 10: 12; Job 34:18, 19; Matthew 5:45; Utom Mme Apostle 10:34, 35.
3. Mmọ emi enimde mbet Abasi eyenyene utebe-ikpe, Ñwed Mbon Rome 2:12-16; Matthew 7:21; Luke 6:47, 48; James 1:22-25.

SE EKPEPDE EBAÑA

“Owo emi ofiokde ndinam eti ñkpọ, ndien minamke, eritre ndinam oro edi idiok-ñkpọonọ enye” (James 4:17). Abasi esin ada-usuñ emi misioroke uyo, emi edide ekikere ke esit kpukpru owo, nditiñ nnọ enye se ifonde ye se idiokde. Ekeme ndidohọ ete, ekpri uyo emi edi nda-mmana ifiok emi otode Abasi, ndien Abasi eneñere ada ifiok emi nte ata akpan ñkpọ ke esit kpukpru owo. Enye owut ete mmọ emi etimde etiene se ekpri uyo oro etemede, okposuk edi emi mmọ minyeneke ata mbet Abasi emi akarade mmọ, eyeson eda enyuñ ebọhọ ubierikpe Abasi. Mmọ emi misañake ke uñwana ekpri uyo oro eyebo ubiere-ikpe nte ekemde. Ñwed Abasi ke akpanikọ, edi mbet Abasi, enyene ndida uwem mmọ ndomo ye nsọñ-urua Ikọ oro man oto do mmọ ebọ unyime Abasi, enyuñ eduk ke Heaven nte nsinsi ibiet iduñ mmọ.

Eriyarare eke Abasi

Ndusuk owo ekere ete ke nda-mmana ifiok Abasi emi odude ke esit owo ye udon emi ama okododu ke owo ete ke enye ekpenyene ndikpono Abasi, edi ata akamba ukpuphore emi odude ke ufot owo ye unam. Ndusuk ebure mbure ete ke mme imọ inyeneke ndik Abasi, ñko ke mmimọ inimke ke akpanikọ ite ke owo idikpaha inyuñ inimke ikọ nsinsi uwem ke akpanikọ; edi nam mmọ esobo iso ye iso ke abaña ñkpọ emi ndien mme edinam mmọ eyewut ete ke ikọ mmọ edi nsu. Ikọ emi ekesitiñde ke ini Ekon Ofuri Ererimbot Qyohọ-Iba ete, “Mmọ emi minimke ite Abasi odu, iduhe ke mme obube udibe mbon ekon”, ikedighe ikpikpu ikọ ke ini mme owo ekecutde mkpa ke enyin, mmọ ekebon akam ke ata ediwak idaha, ikereke aba mbure emi mmọ ekeburede. Nso edi ntak? Edi koro Abasi ayararede Idem Esie onọ kpukpru esit. “Se owo ekemede ndifiok mbaña Abasi ayarade mmọ ke esit; koro Abasi akayararede onọ mmọ”.

Nda-mmama ifiok Abasi idighe nkukure ifiok emi Abasi onode mme owo ke abana Idem Esie. Ekeme ndikut Abasi ke mme nkpo eke enye obotde, oto ke usuñ nte mmq etiede, usuñ nte edade enam mmq, ekem ini mmq, nsio-nsio uduot, nte ndusuk nkpo ekpode ye nte mmq eken ekeñede. Ke akpaniko eneñere ekut ubok-utom Akwa Andibot emi. Abasi ama odohq ete ke mme nkpo emi edi oyohq uwut-nkpo emi ekemede ndida owo nsok Abasi, ke ntak oro mme owo inyeneke se ekemede ndida afaña idem. Mfina oto koro mme owo ekpuhore “akpaniko Abasi ebq nsu, enyuñ ekpono se ebobde, enyuñ enam nkpo enq enye, etre ndikpono Enye emi edide Andibot”.

Mme owo imaha ndida ifiok emi Abasi onode ke abana Idem Esie nnam se inende. Ke ini mmq efiokde Abasi mmq inohq Enye ubon nte Abasi, inyuñ inyeneke esit ekom ke mme enq ye nti nkpo emi Enye onode. Ke ndidomo ndiwut ifiok ye ndinyuñ nnam akpaniko emi Abasi ayararede, mme ekikere owo ema ekabare ikpikpu, ndien ndisime esit mmq akabare okim. “Mmq ete mme imq idi mme enyene-ibuot owo, edi mmq ekabare ndisime”. Nte oro idighe nnenen ye se itibede ye mbon emi esinde esit ke nkpo ererimbot mfin emi?

Usuñ Mfiakadem

Mme owo ke ini edem ema esin ediyarade emi Abasi okonode abana Idem Esie, enyuñ efiak edem ebine kpukpru oruk ndem. Sia ekedide usuñ emi okponde Abasi, emi ama ada mmq esin ke kpukpru oruk idiok-nkpo ye mbiara, tutu kpukpru oruk idiok-nkpo ekabare etie nte nkpo eke midiokke owo ndinam. Abasi ikfefpeke enyin ke idiok-nkpo emi, edi ama onq ubierikpe esok anam-idiok.

Ndusuk mme owo ke emana uñwana emi ikponoke ndem ye edisoñ nkpo; edi ata akamba ubak uduot owo, emi esinde ndinam nkpo nno Abasi nte Abasi onimde, emewonore ebine mme abasi eke ekikere esit mmq. Ediwak owo emi esit mmq oyohode ye ukpep-nkpo mbufiok ererimbot, esuhore Abasi Andibot ke ebekpo, enyuñ ekpuhore enim ikpikpu abasi, ete nkpo “okonyuñ otibe ntre” me, “emana emi okoworo ada ntre” nte usuñ emi ererimbot ye owo ekesañade edu. Ndusuk owo edohq ete ke nsinsi uwem ye ukpon emi mikpaha ke nsinsi ediñkani ekikere emi ema ekebe efep; edi kpeme! Owo ekededi emi minimke Ikq Abasi ke akpaniko edi onimde utq ndisime oro, eberi usuñ Heaven abaha idem esie

Mmq efen esio Abasi emi edide ima ke esit mmq efep ekabare esin abasi ima okuk ke itie Esie. Mmq emesin mme ata inyene eke Heaven, ndien edomo ndiko ikpikpu inyene ison emi edibede efep enim enq idem mmq. “Okuk eyedep nkpo ekededi”, edi ikq emi esiwakde ndikop, edi okuk ikemeke ndidep emem nno ukpon me ekikere, mme ndikekeme ndidep nsinsi ebiet iduñ ye Abasi. Nko ndusuk owo ekpono mme abasi inemesit, idara, odudu; ekikere mme ufan, ye tosin mme abasi efen. Akpatre utip edinam emi edi ukem: mbon emi esinde Abasi ekabare ayak idem mmq enq kpukpru oruk idiok-nkpo. Kot mme oruk idiok-nkpo nte ebatde ke Nwed Mbon Rome 1:28-32. Ekewet mme ikq emi enq mbon akpa emana, edi mmq ekem nko ye mbon ukpere-edem eyo emi oyohq- oyohq. Ediwak owo ekere ete ke idikpehe ikpe idiok-nkpo mmq, edi ke akpaniko usen ke edi, emi edinen ikpe Abasi edisimde kpukpru mme anam-idiok ke ntak kpukpru idiok-nkpo ye nsqn ibuot emi mmq ekenamde.

“Ubiere-ikpe” edi ata akamba. “Ubiere-ikpe” ke enye emi eduede edi ufen, ke ini “Ubiere-ikpe” ke enye emi miduehe edide ubohq. Edinen ikpe Abasi ye anam-idiok oworo nsinsi nsobo. Idiok owo oyom mbom Abasi idighe ubierikpe.

Unana Mfaña-Idem

Edi mmemem owo kiet ndikpe ikpe mbaña mme edinam owo efen; ke ini edide enye emi ekpede ikpe, edieke enimde enye ke ukem idaha owo oro enye ekpede ikpe esie, enye ekeme ndinam odiok akan eke owo emi enye eekpede ikpe onq. Nte owo odude uwem eke ofonde, kpasuk ntre nko ke mme owo esq eyom ndikpe ikpe esie nnyuñ nkut ndudue nno enye. Emem ndikut ekpri ntqi ndek ke afia ofon-idem akan ndikut ediwak ndek ke ofon-idem emi edide obubit. Owo ifañ edomo ndikut ndudue ke anana ndo, edisana uwem Eyen Abasi!

Kpukpru edikpe ikpe emi oworo nso? Ke ibio-ibio, koro mme owo enyenede uñwana ekan nte mmq enyimedede ndisaña ke esit. Owo emi enyenede oyohq ifiok ndibiore ikpe owo efen enyene oyohq uñwana ndisaña nkon-nkan utq ubierikpe oro, onyuñ enyene oyohq uñwana ndikabare nkpon mme idiok edinam esie. Ndusuk enyan ubok ewut mme ndudue owo efen man otodo owo okukut mme ndudue mmq. Okposon edidip idem ke usuñ nkari, me ke editiñ ikq mbiaña idem emi owo adade odip uwem esie idiñwamke ke ubierikpe Abasi. Baba owo kiet idibohqke ikot emi, ndien akpaniko emi ekewetde ebaña kpukpru uwem owo eyeworo ada aña-aña. Eyenq nnen-nnen ubierikpe Abasi, ndien owo kiet-kiet eyefiok ofon akan owo efen ete ke enye qbq asaña ekekem nte mme edinam ye uñwana esie edide. Ke ekutde ete mme nkpo emi edi akpaniko, kpukpru mbio emi eduñde ke ison ekpekpeme didie idem ke isañ ye ke editiñ ikq mmq!

Inyene

Mfin emi ekeme ndinam kpukpru oruk idiok-ñkpọ ekededi ndien ufen emi ekutde ke enyin iduhe; nte ededi, inaha baba owo kiet ayak ebiaña enye ke ñkpọ emi. Abasi kokut kpukpru ñkpọ ntibe ye edinam owo kiet kiet. Uwak mfọn Abasi, mfara ke idem, ye anyan ime edi se enọde nditọ owo uwak-uwak, okposuk edi nte mmọ edide mme anam-idiok, ke ntak kiet, oro edi ndida mmọ usuñ nsim edikabare esit. Edieke ekpebode ubierikpe kpukpru ini emi owo anamde idiok-ñkpọ, kpukpru owo ekpekpaña ke mme idiok-ñkpọ mmọ, koro “Kpukpru owo ema enam idiok-ñkpọ, enyuñ etaba ubọñ Abasi (Nwedi Mbon Rome 3:23). Enọ ata owo Abasi ukeme ndidu uwem emi okoñde akan idiok-ñkpọ koro Abasi ọnọde enye obufa esit ye uduote Esie: “ema ebote enye obufa; ñkani ñkpọ ema ebe efep: sese,emekabare edi mbufa” (2 Nwedi Corinth 5:17). Uwak mbom Abasi okonọ Jesus Christ edi ke ererimbot emi, idighe ndikpe ikpe ererimbot, “man enyaña ererimbot oto ke Enye” (John 3:37). Edisana Spirit akpakam anam owo kiet-kiet ọduñore esit esie, onyuñ onim ete ke ima ibọ uwak mfọn Abasi ndida nnam ñkpọ ke eti usuñ.

Iyaresit

Jesus okodohọ ete, “Koro Enye anamde utin Esie asiaha onọ mme idiok owo ye nti owo, onyuñ anamde edim edep onọ ndinen owo ye mme anam ukwañ-ido” (Matthew 5:45). Mbetodohọ ete ayak mfọn ido Abasi, mfara ke idem, ye anyanime Abasi enọ kpukpru owo, edi ndusuk owo ese mme inyene emi ke ndek. Enim ata akpan utit eke owo mikemeke ndibohọ enọ owo emi asañade ebe ke uwem emi, okutde, ebuade onyuñ adarade ke anana-ibat mbom Abasi Ima, edi ikabakere ikpon idiok, inam ñkpọ inọ Abasi. Esit itiat ye enye emi etrede ndikabare okọ obon onọ idem esie “iyaresit ke usen iyaresit ye ediyarade edinen ubiere-ikpe Abasi; emi edinode kpukpru owo kiet-kiet nte ekemde ye utom esie”.

Kpukpru mmọ emi edude ke utok, minyuñ inyimeke ndisuk ibuo nno akpanikọ, edi esañade ke idiok ido, eyebọ iyaresit Abasi ke usen emi edikpede edinen ikpe Abasi. Ukut ye ikañ nsinsi eyedi ufen onọ kpukpru ukpon emi enamde idiok. Edi mmem-mmem ndikut ete ke andikan ke edinen ikpe Abasi emi, edi owo emi okponde idiok-ñkpọ onyuñ akabarede esit ye uwem esie onọ Abasi ke ima ye ke edinam utom.

“Okọ iyaresit onim onọ idem fo”. Nso utọ idiok utip emi ediyohode ye mkpaidem ke ediyak enọ mme anam-idiok ke usen oro! Kpukpru owo ke enam utom man oto do ekọ utip, edide inyene ye ima Abasi me iyaresit Abasi. Owo kiet-kiet ana nte emek ke otu iba emi. Abasi akpakam añwam nnyin ndimek inyene eke odude ke ima Abasi!

Nsinsi Uwem

Ubierikpe Abasi idighe ñkpọ-ndik inọ mmọ emi ema eketonọ ntak emana ke Spirit, enam edi mbufa oto ke Iyip Jesus kpa mmọemi esañade ke uñwana Eti-mbuk. Ke usen oro Abasi eyenọ mmọ “emi eyirede ke edinam eti ido eyom ubon ye ukpono ye uwem eke midibiarake” nsinsi uwem. Eyenọ kpukpru owo emi enamde eti ido, ubon, ukpono ye emem “odoro Jew ke akpa itie, onyuñ odoro Greek ñko: koro Abasi miteñeke owo enyin”.

MME MBUME

- 1 Enim iyaresit Abasi enọ nso oruk owo?
- 2 Ke nso utọ usuñ ke Abasi ayarade Idemesie onọ nditọ owo?
- 3 Nso iditibe ke ini mme owo midinamke ñkpọ inọ Abasi?
4. Nso idi ntak emi mme owo minyeneke se etiñde enyaña idem ke iso Abasi?
5. Mme owo emi ekpede ikpe enọ mme owo efen edinam didie ke usen edinen ikpe Abasi?
6. Nso idi ntak emi enode inyene Abasi esok kpukpru owo okoro ye mme anam-idiok?
7. Nso edidi utip emi edinode mm emi enamde akpanikọ enọ Abasi?
8. Nso ke edinọ mmọ emi minamke akpanikọ?
9. Abasi edinam didie ofiok mmọ emi enamde akpanikọ enọ Enye ke usen ubierikpe?